



**Bosna i Hercegovina
Parlamentarna skupština
Bosne i Hercegovine
Dom naroda**

Broj:02-011-861/01
Sarajevo, 24.12.2001.godine.

Z A P I S N I K

**12. sjednice Doma naroda Parlamentarne skupštine BiH, održane 20.12.2001.,
21.12.2001. i 24.12.2001.godine.**

Sjednica je počela sa radom u 12,45 sati.

Sjednicom je predsjedavao Sejfudin Tokić, predsjedavajući Doma naroda Parlamentarne skupštine BiH.

Na sjednici je bilo 15 delegata.

Pored delegata Doma naroda na sjednici su bili predstavnici Vijeća ministara, Beriz Belkić i Jozo Križanović, članovi Predsjedništva BiH.

Nakon što je utvrdio kvorum predsjedavajući je predložio sljedeći

D N E V N I R E D

1. Odgovor na delegatska pitanja i delegatska pitanja
2. Zakon o upravnim sporovima u BiH – drugo čitanje – predlagač Vijeće ministara
3. Zakon o statistici – drugo čitanje – predlagač Vijeće ministara
4. Zakon o koncesijama – drugo čitanje – predlagač Vijeće ministara
5. Zakon o industrijskom vlasništvu – drugo čitanje – predlagač Vijeće ministara
6. Zakon o deminiranju – drugo čitanje – predlagač Vijeće ministara
7. Zakon o zaštiti potrošača u BiH – predlagač Vijeće ministara – drugo čitanje
8. Zakon o autorskom pravu i srodnim pravima u BiH – predlagač Vijeće ministara – drugo čitanje
9. Zakon o državnoj službi u institucijama BiH – predlagač Vijeće ministara – drugo čitanje
10. Zakon o međudržavnom i međuentitetskom drumskom prijevozu – predlagač Vijeće ministara – prvo čitanje
11. Sporazum između BiH i Republike Austrije o unapređenju i zaštiti investicija – predlagač Predsjedništvo BiH;
12. Trgovinski sporazum između BiH i Islamske Republike Pakistan – Predsjedništvo BiH
13. Sporazum između BiH i Islamske Republike Pakistan o unapređenju i zaštiti investicija – Predsjedništvo BiH

14. Izvještaj o radu Ustavno-pravne komisije Doma naroda
15. Informacija o neposrednim obavezama za implementaciju svih uvjeta za prijem BiH u Vijeće Evrope
16. Izvještaj o rashodima institucija BiH za prvih devet mjeseci 2001.godine
Predsjedništvo BiH
17. Zakon o namjeni i korištenju imovine koju BiH dobija po Sporazumu o pitanju sukcesije bivše SFRJ – predlagač Vijeće ministara
18. Zakon o izmjenama i dopunama Zakona o izvršenju budžeta institucija BiH i međunarodnih obaveza BiH za 2001.- prvo čitanje – Predsjedništvo BiH
19. Rebalans budžeta institucija BiH i međudržavnih obaveza BiH za 2001.godinu – prvo čitanje – Predsjedništvo BiH

Dnevni red je jednoglasno usvojen.

1. Odgovor na delegatska pitanja i delegatska pitanja

Delegat Ilija Šimić postavio je sljedeća pitanja:

Koliko se prognanih i izbjeglih Bošnjaka, Hrvata, Srba i ostalih do sada vratilo u svoje prijeratne domove, prebivališta i boravišta. Podatke prikazati za svaki narod po entitetima, a po mogućnosti i za pojedina entitetska područja (kantoni, regije)?

Koliko je još podnesenih, a nerealiziranih zahtjeva iz svakog naroda za povratak u ranija prebivališta i boravišta u BiH i u pojedine entitete?

Na koja se područja u ovoj godini vratilo najviše izbjeglih i prognanih i gdje su najizraženiji otpori i druge teškoće u provođenju politike povratka izbjeglica i raseljenih osoba?

Šta Ministarstvo za ljudska prava i izbjeglice planira učiniti da u narednom razdoblju ubrza povratak izbjeglica i raseljenih osoba?

Što Vijeće ministara Bosne i Hercegovine poduzima da se uklone zapreke izvozu životinja i proizvoda životinjskog podrijetla iz Bosne i Hercegovine, i do kada će one biti uklonjene, te kada se može očekivati uspostava normalne trgovine životinjama i proizvodima životinjskog podrijetla između Bosne i Hercegovine, te Slovenije, Hrvatske, SR Jugoslavije i Makedonije.”

Delegat Nikola Špirić postavio je pitanje:

Može li jedan član Predsjedništva ili Savjeta ministara samostalno pružati odgovore u ime organa koji predstavlja, ako se zna da je za svaku odluku Predsjedništva neophodan konsenzus, odnosno, zajednički utvrđen stav, odluka ili zaključak.

Delegat Halid Genjac postavio je sljedeća pitanja predsjedavajućem Vijeća ministara:

Da li je Vijeće ministara u aktuelnom sastavu razmatralo izvještaj agenta BiH pred Sudom pravde u Hagu o stanju procesa u Tužbi Bosne i Hercegovine protiv SFRJ po osnovu Konvencije o sprječavanu genocida.?

Šta Vijeće ministara poduzima da se osiguraju potrebni uslovi za rad agenta BiH i tima koji zastupa ovu tužbu?”

Sejfudin Tokić postavio je sljedeća pitanja:

Da li su Predsjedništvo BiH i Ministarstvo vanjskih poslova BiH bili prethodno upoznati sa organizacijom i ciljevima posjeta delegacije Republike Srpske, Ruskoj Federaciji i delegacije Ministarstva odbrane F/BiH?

Ako Predsjedništvo BiH i Ministarstvo vanjskih poslova BiH nisu bili upoznati sa navedenim posjetama, šta će učiniti da se štetne posljedice po BiH i njene građane, koje su ovim posjetama evidentno nastale otklone ili bar smanje?

Šta će Predsjedništvo BiH i Ministarstvo vanjskih poslova BiH, preduzeti da u buduće ovakve situacije budu izbjegnute?

Da li je tačna informacija da je Vlada Republike Srpske donijela odluku o otvaranju predstavništava u SRJ, Ruskoj Federaciji, Grčkoj, Izraelu, Njemačkoj, SAD, i ako je tačno šta će se poduzeti protiv tih nelegalnih odluka?

Šefik Džaferović postavio je sljedeća pitanja:

Da li je i kada raspisan tender za izradu dokumenata vezanih za set zakona iz projekta CIPS? Ako jeste, gdje je objavljen? Ko se sve prijavio na tender i sa kakvim ponudama? Da li je do danas izvršen izbor najpovoljnije ponude i pod kojim uvjetima?

Kakva je struktura duga od 105 miliona USD za prirodni gas? Koliki dio duga se odnosi na Federaciju BiH, a koliki na Republiku Srpsku? Koliko je gasa uskraćeno u Srbiji tokom rata? Kakva je uloga firme “Kopešin” (ko je dao saglasnost i ovlaštenja) oko nabavke gasa i na koji način je zamišljena kupovina duga od 105 miliona USD? Zašto ne dolazi do pada cijene prirodnog gasa kod potrošača, jer je cijena kod ruskog isporučioća, koliko mi je poznato, pala za 20%? Zbog čega do danas nije formirana jedna transportna kompanija na nivou države Bosne i Hercegovine i šta je učinjeno da se spriječi privatizacija gasovoda visokog pritiska u RS – u?”

2. Zakon o upravnim sporovima u BiH – drugo čitanje – predlagač Vijeće ministara

S obzirom na to da na Zakon nije bilo amandmana odmah se glasalo o Zakonu. Zakon o Upravnim sporovima u BiH usvojen je jednoglasno.

3. Zakon o statistici – drugo čitanje – predlagač Vijeće ministara

Delegat Momčilo Novaković podnio je 10 amandmana na Zakon.

U raspravi su sudjelovali Momčilo Novaković i Nikola Špirić. Nakon rasprave glasalo se o amandmanima koje je podnio delegat Momčilo Novaković, s tim da je podnosilac amandmana odustao od amandmana II.

Nakon glasanja svi amandmani delegata Momčila Novakovića su odbijeni većinom glasova. Nakon glasanja o amandmanima glasalo se o zakonu. S obzirom da Zakon nije nije dobio entitetsku većinu, Kolegij Doma naroda je proveo proceduru usaglašavanja u skladu sa odredbama poslovnika.

Kolegij Doma naroda je postigao saglasnost o Zakonu, te je time Zakon usvojen.

4. Zakon o koncesijama – drugo čitanje – predlagač Vijeće ministara

Amandmane na Zakon podnijeli su delegati Momčilo Novaković (13) i Nikola Špirić (14). U raspravi je sudjelovao Nikola Špirić.

Nakon rasprave glasalo se o amandmanima. Svi amandmani su odbijeni osim amandmana IV, V i XIII Nikole Špirića, koji su usvojeni.

Prije glasanja o Zakonu delegati iz reda bošnjačkog naroda podnijeli su Izjavu kojom smatraju da je usvajanje Amandmana V destruktivno po nacionalni interes bošnjačkog naroda. Izjava je odbijena s obzirom na to da nije podnesena u roku iz člana 134.1. Poslovnika Doma naroda.

Zakon o koncesijama, sa amandmanima IV, V i XIII delegata Nikole Špirića, usvojen je većinom glasova.

5. Zakon o industrijskom vlasništvu – drugo čitanje – predlagač Vijeće ministara

Četiri amandmane na Zakon podnio je delegat Nikola Špirić.

U raspravi su sudjelovali Nikola Špirić i Azra Hadžiahmetović, predstavnik Vijeća ministara.

Nakon rasprave svi amandmani, osim Amandmana II delegata Nikole Špirića, su odbijeni.

Zakon o koncesijama, sa amandmanom II delegata Nikole Špirića, usvojen je većinom glasova.

6. Zakon o deminiranju – drugo čitanje – predlagač Vijeće ministara

Delegat Nikola Špirić podnio je 13 amandmana na Zakon.

U raspravi je sudjelovao Nikola Špirić.

Nakon rasprave svi amandmani su odbijeni.

Nakon glasanja o amandmanima glasalo se o Zakonu. S obzirom da Zakon nije dobio entitetsku većinu, Kolegij Doma naroda je proveo proceduru usaglašavanja u skladu sa odredbama poslovnika.

Kolegij Doma naroda je postigao saglasnost o Zakonu, te je time Zakon usvojen.

7. Zakon o zaštiti potrošača u BiH – predlagač Vijeće ministara – drugo čitanje

Amandmane na Zakon podnijeli su delegati Momčilo Novaković i Nikola Špirić.

U raspravi su sudjelovali Momčilo Novaković, Nikola Špirić i Azra Hadžiahmetović, predstavnik Vijeća ministara.

Nakon rasprave svi amandmani, osim Amandmana II delegata Nikole Špirića, su odbijeni.

Prije prelaska na glasanje o Zakonu sa usvojenim Amandmanom, a zbog različitih poslovniki intervencija i tumačenja člana 59.1 Poslovnika Doma naroda, Dom naroda je većinom glasova dao Kolegiju Doma naroda podršku o tumačenju člana 59.1. Poslovnika Doma naroda.

Zakon o zaštiti potrošača u BiH, sa Amandmanom II delegata Nikole Špirića, usvojen je većinom glasova.

8. Zakon o autorskom pravu i srodnim pravima u BiH – predlagač Vijeće ministara – drugo čitanje

Amandmane na Zakon podnijeli su delegati Momčilo Novaković (4) i Nikola Špirić (4).

U raspravi su sudjelovali Momčilo Novaković, Ibrahim Spahić i Azra Hadžiahmetović, predstavnik Vijeća ministara.

Nakon rasprave svi amandmani, osim amandmana III i IV delegata Nikole Špirića, su odbijeni.

Zakon sa amandmanima III i IV delegata Nikole Špirića je usvojen jednoglasno.

9. Zakon o državnoj službi u institucijama BiH – predlagač Vijeće ministara – drugo čitanje

Amandmane na Zakon podnijeli su delegati Šefik Džaferović (2), Momčilo Novaković (3) i Nikola Špirić (4).

Delegat Nikola Špirić je odustao od svojih amandmana.

U raspravi niko nije sudjelovao.

Svi amandmani, osim Amandmana II delegata Šefika Džaferovića i Amandmana I delegata Momčila Novakovića, su odbijeni.

Zakon o državnoj službi u institucijama BiH je usvojen sa amandmanom II delegata Šefika Džaferovića i Amandmanom I delegata Momčila Novakovića, koji su postali sastavni dio Zakona.

10. Zakon o međudržavnom i međuentitetskom drumskom prijevozu – predlagač Vijeće ministara – prvo čitanje

U raspravi su sudjelovali Dragutin Ilić, Momčilo Novaković i Nikola Špirić.

Delegat Dragutin Ilić je ispred Komisije za vanjsku i trgovinsku politiku predložio da na tekućoj sjednici Doma naroda bude i prvo i drugo čitanje Zakona.

Zakon u prvom čitanju je usvojen većinom glasova uz jedan uzdržan glas.

S obzirom na to da je prihvaćen prijedlog Komisije glasalo se o Zakonu i u drugom čitanju.

Zakon je usvojen većinom glasova uz jedan uzdržan glas.

11. Sporazum između BiH i Republike Austrije o unapređenju i zaštiti investicija – predlagač Predsjedništvo BiH

U raspravi nije niko sudjelovao.

Jednoglasno je data saglasnost za ratificiranje Sporazuma.

12. Trgovinski sporazum između BiH i Islamske Republike Pakistan – Predsjedništvo BiH

U raspravi nije niko sudjelovao.

Jednoglasno je data saglasnost za ratificiranje Sporazuma.

13. Sporazum između BiH i Islamske Republike Pakistan o unapređenju i zaštiti investicija – Predsjedništvo BiH

U raspravi nije niko sudjelovao.

Jednoglasno je data saglasnost za ratificiranje Sporazuma.

14. Izvještaj o radu Ustavno-pravne komisije Doma naroda

U raspravi je sudjelovao delegat Ibrahim Spahić.

Nakon rasprave sa 11 glasova za, jednim glasom protiv i jednim uzdržanim glasom Dom naroda je prihvatio Izvještaj Ustavno-pravne komisije.

15. Informacija o neposrednim obavezama za implementaciju svih uvjeta za prijem BiH u Vijeće Evrope

U raspravi su sudjelovali Halid Genjac, Sejfudin Tokić, Nikola Špirić, Goran Turjačanin, Ibrahim Spahić i Momčilo Novaković. Informacija je primljena na znanje.

16. Izvještaj o rashodima institucija BiH za prvih devet mjeseci 2001.godine Predsjedništvo BiH

U raspravi su sudjelovali Beriz Belkić, član Predsjedništva BiH, Momčilo Novaković, Munib Jusufović, Nikola Špirić, Šefik Džaferović, Ilija Šimić, Halid Genjac, Sejfudin Tokić, Goran Turjačanin, Dragutin Ilić i Ibrahim Spahić.

Izvještaj je usvojen u drugome krugu glasanja kada je Izvještaj dobio potrebnu entitetsku većinu s obzirom na to da se nije protiv izjasnilo 2/3 ili više delegata iz entiteta.

17. Zakon o namjeni i korištenju imovine koju BiH dobija po Sporazumu o pitanju sukcesije bivše SFRJ – predlagač Vijeće ministara

U raspravi su sudjelovali Ante Domazet, Munib Jusufović, Momčilo Novaković, Sejfudin Tokić, Goran Turjačanin, Šefik Džaferović, Dragutin Rodić, Halid Genjac, Ilija Šimić, Dragutin Ilić i Nikola Špirić.

Nakon rasprave Zakon je sa 12 glasova za i jednim uzdržanim glasom usvojen u prvom čitanju.

Amandmane na Zakon su podnijeli delegati Nikola Špirić (4), Munib Jusufović (3) i Sejfudin Tokić (1).

U raspravi o amandmanima su sudjelovali Nikola Špirić, Munib Jusufović, Ante Domazet, Zlatko Lagumdžija, Goran Turjačanin, Šefik Džaferović, Dragutin Ilić i Ibrahim Spahić.

Nakon rasprave svi podneseni amandmani su odbijeni.

Nakon glasanja o amandmanima glasalo se o zakonu. S obzirom da Zakon nije dobio entitetsku većinu, Kolegij Doma naroda je proveo proceduru usaglašavanja u skladu sa odredbama poslovnika.

S obzirom na to da Kolegij Doma naroda nije postigao saglasnost, o Zakonu se glasalo u drugom krugu izjašnjavanjem delegata ko je protiv zakona.

Zakon nije usvojen jer su svi delegati iz Republike Srpske glasali protiv Zakona.

18. Zakon o izmjenama i dopunama Zakona o izvršenju budžeta institucija BiH i međunarodnih obaveza BiH za 2001.- prvo čitanje – Predsjedništvo BiH

19. Rebalans budžeta institucija BiH i međudržavnih obaveza BiH za 2001.godinu – prvo čitanje – Predsjedništvo BiH

O Zakonu i Rebalansu se vodila zajednička rasprava. U raspravi su sudjelovali Jozo Križanović, član Predsjedništva BiH, Ante Domazet, Nikola Špirić, Goran Turjačanin, Munib Jusufović, Dragutin Ilić, Ivo Divković, Halid Genjac, Šefik Džaferović i Sejfudin Tokić.

Nakon rasprave jednoglasno su, u prvom čitanju, usvojeni Zakon o izmjenama i dopunama Zakona o izvršenju Budžeta institucija BiH i međunarodnih obaveza BiH za 2001. godinu i Rebalans budžeta institucija BiH i međudržavnih obaveza BiH za 2001.godinu.

S obzirom na to da nije bilo amandmana na Zakon o izmjenama i dopunama Zakona o izvršenju budžeta institucija BiH i međunarodnih obaveza BiH za 2001. godinu glasalo se o zakonu. Zakon je usvojen sa 12 glasova za i 2 uzdržana glasa.

Delegat Nikola Špirić podnio je 2 amandmana na Rebalans Budžeta.

U raspravi o amandmanima su sudjelovali Nikola Špirić i Ibrahim Spahić.

Nakon rasprave amandmani delegata Nikole Špirića su odbijeni.

Rebalans budžeta je usvojen većinom glasova uz jedan glas protiv i jedan uzdržan glas.

Sjednica je završila sa radom u 14 sati.

Neautorizirani transkript čini sastavni dio zapisnika.

Sekretar
Doma naroda
Jadranko Tomić s.r.

Predsjedavajući
Doma naroda
Sejfudin Tokić s.r.